

仁化縣志卷六

列傳第十一

人物

列女

耆壽

伎藝

仙釋

仁化縣志卷六

列傳

列傳 人物

蔡良 以下明 譚福祖 蒙祿昌

蒙景澄 朱文瑄 補 蒙榮

朱瑩 補 朱源 附 朱瑛 附

譚高 劉選 葉深

譚耀 劉瀚 譚用

葉伯亨 劉棉 李建中

蒙士元 劉宗用 葉萌楷

葉鸞 蒙應龍 葉惟松

蒙士顏 蒙士宜 譚起龍 補

劉宗周 譚際可 補 劉道覺

仁化縣志卷六 人物 一一

劉天然 譚承志 補 劉友益

葉夢熊 補 凌永晃 凌雲

朱可權 補 鄧仕賢 李泌 附

劉世邦 附 劉漢 羅慶 附

劉宗燾 李廷茂 譚以釗

李茂清 附 蒙均遠 譚惠智 附

葉青雲 附 葉藹雲 附 劉應卜

劉應旨 葉日英 以下國朝 劉曉

譚炳 補 譚祥文 劉澐

蒙寵 蒙化鵬 蒙瀚遠

羅貴林 蒙儒棟 劉志周

譚惠義

陳世應

朱世錦

羅文斗

黃瓚補

譚時英

羅惠邦

蒙學燦

劉良謀

劉化章

黃斑

劉普容

劉普亮附

劉韶慶

鄧宏量

黎潛鵠補

劉焜

譚廣掄

譚兆燕

葉煥堂

劉騰輝

劉普凝

譚丕顯

葉斌

譚有勳

陳守傅

謝鳴球

黃啟敷

劉充和

譚城

朱登第

譚中泰

陳璉

仁化縣志卷六人物

鄧彩士

謝庭駿

譚六壽

鄧成魁

譚舉忠

楊作楨

黃汝梅

劉遜志

譚徽

李儲馨

周世楨

李輝智

譚家聲

謝庭驥

劉大章

李家棟

李翹山

李文炳

李文照附

黎正學

黎際可

黃中選附

黃璇

黃勳

葉馨香

黃三才

人物志

自古卓然可傳者必經天緯地超絕寰區道德文章振爍今古次則忠孝廉節獨行不愧亦足以流傳於不朽下此謹愿庸靡曷足資矜式乎雖然取材於鄧林則千章百圍乃人工師之選求木於蔬圃則拱把亦爲足珍仁邑接中州清淑之氣山川鍾靈 國家培養必有卓犖竒偉之士其中可欽可仰者正不乏人備誌之以俟後之觀感興起者志人物

明

蔡良字明善馬鞍岡人積德務學洪武初應賢良

仁化縣志卷六

列傳

四

方正薦任郴州同知稱賢能擢知本州政聲益著康熙間邑侯陳世英慕其名表其閭曰名賢大夫祀鄉賢

譚福祖號元貞扶溪人素懷忠勇永樂間鍾賊煽亂扶溪奮激請軍統義勇直搗其穴勦除之地方始寧當道表其功授之爵謙遜退讓功而不伐長子惠仁任江西玉山縣知縣贈文林郎蒙祿昌字天錫世業儒力學不怠應文學才行薦授麗水縣知縣擢知桂陽州皆卓有政聲歿之日囊無餘錢祀鄉賢

蒙景澄字伯潔性至孝母病稽顙告天求以身代

父患背疽嘗以口吮之執親喪哀痛至毀勺水不入口及葬廬墓三年宏治元年知縣邱璫兩以其事聞督學使者蔡克廉表其門曰孝子祀鄉賢

朱文瑄大富人少英異正統二年年甫十一差官某愛其敏慧拉至京送充內廂及壯忠且賢嘗奉旨往雲南安撫厥功丕著賜蟒袍玉帶時翁源謝廷珍作教雲南爲帶家書歸手澤猶存

冊訪

蒙榮字志仁性敏悟年十七以易經登賢書講學南京七年士大夫咸相推重及門甚衆每却束

仁化縣志卷六

列傳

五

修之餽友人以緩急叩門未嘗以有無爲辭負亦不追也卒于京祭酒邱公及朝紳多哀詩祀鄉賢

朱瑩大富人由歲貢任廣西懷集令治才敏厲明而有威吏民畏服朱源亦大富人由歲貢任江西寧都州主簿陞山東金鄉縣知縣治行淳篤先是同族有朱瑛者與瑩源讀書於邑之聚奎巖瑛中永樂壬午舉人授天河教諭一時聯袂去皆有聲聞時稱三朱

冊採訪

譚高字德榮以貢授上猶縣訓陞華陽諭解組歸品行爲鄉評推重喜捐金濟人族里每待以

舉火家食三十餘年杜門課子松菊爲侶抱膝
長吟塵視世味其視學事因材造就不屑屑於
脩贄士追慕之見上猶志

劉 選字上賢以貢授永寧訓歷臨桂承天典教
三庠多所成就致仕歸郭公時敘有桃李向陽
蘇潮報政之句居家孝友愜睦表正鄉閭立會
課文誘掖後輩士之通顯者每出其門

葉 深字文淵江頭人砥行端恪自處淡然以貢
任藤縣主簿無暮夜之謁比署縣篆尤嚴肅一
塵不染兩院交獎致仕歸行李蕭然人目爲清
白吏

仁化縣志卷六

列傳

六

譚 耀字主心性剛鯁學問正大由貢任遠安縣
知縣懸魚飲水清介自持以不能脂韋遭謗歸
家居三十餘年以節操終

劉 瀚字自新國學生燕居必衣冠望之儼然篤
於孝友與人和厚樂施予喜解難息爭鄉黨咸
稱爲長者

譚 用字國選以貢任福清縣主簿剛直不阿秩
未滿力求歸事親至孝恬澹守分公門絕無私
謁

葉伯亨字子通江頭人常慕古人所爲種德植學
不務名利以貢授賀縣知縣清謹近民當道賢

之忽起尊鱸之思人稱其勇退云

劉 梈字惟瞻性直諒立身嚴謹初任貴州都事
監稅永寧減權課商旅稱便陞雲南臬經獄有
可矜者力請開釋滇人甚德之遷江西斷事歲
餘告休歸費預取諸家厯官清操始終不渝居
鄉坦易率直睦宗黨訓子孫足跡不履公庭
李建中字民表幼聰穎年十二以壁經充弟子員
十六餽於學有廩生葉士顏以起復時日參差
爭貢建中讓之邑侯嚴公令士顏袖三十金以
謝却不受嘉靖中以貢授南寧府經歷署上思
武緣兩篆勤政恤民不爲脂韋視事之暇極力

仁化縣志卷六

列傳

七

造士時多歌鹿鳴者萬厯庚寅西寧門人尹林
餽田百二十畝以報建中固辭施於長春寺
蒙士元字貫邦端方孝友爲清議所重曾任武緣
知縣蒞政五載興學愛民勦賊有功上臺屢欲
擢辭弗就解組歸恬澹自如適林泉以終老
劉宗用字子行侗有大志學以聖賢爲期年二
十拔貢任龍溪縣丞慈祥豈弟民甚愛之會佛
郎機弄兵督運有功軍門朱公上其事上褒嘉
之旋丁外艱不復仕事母至孝居鄉四十年隱
晚節園以自娛決渠灌菊課子論文恬然無求
于世郡守舒公大猷雅重之嘗造廬訪焉

葉萌楷字文範江頭人拔貢纓芳子篤學力行屢荐不售以歲貢任遂溪訓導遷陽山教諭嘗護縣符有善政士民交頌之致仕歸琴書娛老所著有自鑑錄子夢龍副榜夢熊萬厯乙酉科舉人以子貴贈奉政大夫

葉鸞字子和江頭人性聰敏以歲貢授貴池縣主簿潔已愛民督南糧先期課最巡察水利不憚險阻部院旌之遷唐府典寶正遂引退惇睦鄉族屢膺賓席享耄壽稱一邑典型

蒙應龍字汝化性至孝赴舉就官皆依依不忍別膝下尚書呂涇野盛端明皆有文紀其事初任

仁化縣志卷六

列傳

八

遂安主簿晉陞沅陵丞復陞荆門州判致仕歸一時士大夫推重贈言民爲之立石志去思

葉惟松字大節城北人少而英特前郡守陳公器之嘗從王陽明門人錢洪德講學於曹溪以貢任大田訓導擢諭上猶卓爲師儒模楷繼陞楚岷府教授卽掛冠歸課子讀髦益力學大尹袁伯睿雅重之扁其門曰江閩山斗所著有宦遊稿

蒙士顏以貢宰寧化有善政善教之譽陞任歸不私其俸入與弟士思分析田產教養諸姪無異親子鄉里矜其孝友

蒙士宜歲貢授武平教一變學校陋習却金以惠
寒士陞任歸事母甚謹兄亨早逝撫其子尤至
恤孤窮解紛爭鄉閭推重

譚起龍馬鞍岡人嘉靖庚申歲貢授瑞安縣訓導
陞都昌教諭丁艱後補天台縣教諭端方有執
非禮不爲士林重之 採訪冊

劉宗周字子相以貢授興國縣訓導剛介質樸諸
生勤於課者膳之貧士不能娶者助之陞上林
教諭以母老乞養不復仕

譚際可馬鞍岡人萬曆辛巳歲貢授廣西永福令
丁艱服闋銓福建泰寧令致仕歸囊無長物邑

仁化縣志卷六

列傳

九

人李樹策作壽聯贈之云三仕清風不潤脂膏
眞令尹百年化日常胖肢體活神仙蓋實錄也

享壽九十二歲 採訪冊

劉道覺少聰穎八歲能文下筆千言立就十一歲
補弟子員未二十膺恩拔讀書等身惜不享年
有廉山詩集一卷鑑評六卷

劉天然號中江明經不仕隱樂此園圖書四壁課
子之餘不干外事萬曆二十一年修邑志多其
屬筆時稱信史

譚承志字心矩扶溪人少穎悟負淵角竒表母蒙
氏分娩之夕夢喜報到家次早得堂叔默經魁

捷報旣而生承志年三十六捷南闈亞元選授
浙江金華府通判歷署東陽婺州永康等郡興
利除弊諸大政釐然備舉陞湖廣桂陽州知州
卸任後永康婺州各爲立生祠永康人湖廣布
政使王世德有記婺州人兵部尚書許宏綱爲
志去思碑 據家乘德政碑補

劉友益號廣韶歲貢任肇慶府教授歷教三庠表
正士習所至有聲及歸教諸子若孫皆森森秀
出爲士林冠清介自守竿牘不及有司而於族
里間則如春風扇物藹然可親至今人猶稱之
葉夢熊字海陽江頭人天 英敏年十六偕伯兄

仁化縣志卷六

列傳

十

夢龍季弟夢鵬同遊泮弱冠膺恩拔萬歷己卯
壬午連中北闈副榜乙酉捷鄉闈任江西定南
令多善政遷福建建寧縣監察御史何熊祥贈
閩南政最四字遷浙江仁和縣理煩治劇大著
賢聲上憲竒其能旌之曰三省流芳以卓異陞
紹興府別駕旋陞知府年六十告歸授奉政大
夫子六人孫二十餘人至今蕃衍書香不替

訪冊

凌永晃字耀南少孤貧約自守然能周人之急言
行皆有坊表孫雲舉於鄉益謙謹曰御康爵於
世務一無所撻享壽九十有五年高德劭遠邇

敬之 參府志

凌 雲字澹癯邑城人拔貢天啟丁卯科舉人崇正庚辰會試副榜授河南推官蒞任十有九月冰霜自勵人不敢干以私其政績載洛城祠碣中鼎革時遯跡於蔚州固始者十餘年順治壬辰還里服粗茹糲澹如也所存屋僅一傘地自署傘居杜門讀書老而不倦學者北面備弟子禮唯謹僉曰窮視其所不爲貧視其所不取於吾師信之當道未嘗通一刺巡道周公曰燦司理洪公琮皆敬禮表其廬著有集陶集杜樂此吟若干卷

仁化縣志卷六

列傳

十一

朱可權大富人年十六遊庠食餼九戰棘闈崇正間以書經中式三十六名舉人任南直丹徒縣尹調潛山奉旨行取兵部車駕司主事著有歷試草勸民歌守城十則等書時巡撫鄭瑄云讀歷試草知其文章讀勸民歌知其政事具此兼長洵國士無雙也 採訪冊

劉 漢號雲峯力田自樂惇四禮爲家法族黨有不足者不吝解推羅慶治家有法睦族善隣賑人乏絕同爲時所稱

鄧仕賢能以禮法自守一言折服閭里信之李泌持身謹厚解紛息爭爲衆所服劉世邦樂易愛

人言行一軌於正宗族隣里化之俱爲鄉飲賓
劉宗燾號翠崖侍二親服勞盡孝兄弟六人不析
產於同宗尤加意任恤人稱長者知縣胡京球
表其門曰積善之家孫廷諲康熙辛酉舉鄉榜
亞魁

李廷茂號素菴邑庠生靜修養 不務奔競山林
自樂終身不見有司

譚以釗學行端嚴本縣奉軍門按司牌檄爲師李
茂清學行端正舉飲賓奉督書院有功嘗委掌
巡司印務

蒙均遠譚惠智萬厯中各出穀三百石濟荒本縣

仁化縣志卷六

列傳

十一

奉文勒石旌表葉青雲敦本力田忠信篤實葉
藹雲好義俠重然諾崇正九年各捐穀五十石
賑饑知縣魏開之旌獎之

劉應卜號易所安靜恬退與物無競雖處市井人
罕見其面惟以書史自娛知縣楊憲卿旌之曰
名家懿範

劉應旨號開甫篤於孝友性樸直治家嚴動必以
禮劉爲仁陽右族宗姓頗繁時主族政罔敢違
其教令者喜人爲善賢者樂之不肖者畏之鄉
隣有爭鬥鬩牆者一開諭無不立解壽八十字
廷諲舉於鄉

國朝

葉日英明末貢生醇樸簡重好施與憐貧恤寡居家有法有司屢旌其門壽九十子十一人庠生蔭植等奉遺命以城南大塘一口入學產以惠士林

劉 曉字元亭長江人孝友敦篤鄉困於樵乃將鞏坑團軍山場廿餘里任鄉人採薪村人種田爭水者多將村北已田爲大渠里餘直接大河以大其蓄自是而爭水者息村北路狹小行者男女肩相摩復將已田大之爲石路數百丈以便分途屢舉鄉飲正賓親見曾元一百零七人

仁化縣志卷六

列傳

十二

五代同堂壽九十八而終

譚 炳馬鞍岡人聰敏博學七冠庠序膺順治辛卯優貢廷試銓授海康縣訓導調新安陞長樂教諭髦而好學壽八十歲

採訪冊

譚祥文字紹鮮厚里人康熙間吳三桂賊帥黃老虎犯韶州各村逃散祥文預製米漿糊壁賊退日鄰里無食賴糊壁米漿以免

採訪冊

劉 澧字錦天曉之子髫年遊泮奇偉卓犖康熙丁亥礪賊竊發焚掠鄉曲官兵疊勦舉鄉驚遁乃與父元亮周旋其間賊尋撲滅尤以恤孤寡爲急首糾同志捐社倉知縣戴程甸以德望并

隆旌焉

蒙寵字旋吉廩生恩村人康熙甲辰歲薦饑嘗出穀七百石以賑鄉隣計口分給人沾其惠焚其簿籍不令後嗣得以誇功知縣陳廷綸旌以種德遺安儒學黃陶文莫翰作序記以表其事

蒙化鵬邑城人性至孝父母卒哀毀骨立及塋廬墓三年雍正六年學憲顧仔旌以至性過人十二年奉

旨建坊入祀孝子祠

蒙瀚遠恩村人質樸謙和治家崇古誼孫曾五代百口同居乾隆庚辰觀察熊繹祖採風聞之召

仁化縣志卷六

列傳

十四

其孫學煦問家範焉且以仁里義門表之先署縣事王溥稱其有張公藝鄭濂遺範匾其門曰媲美張鄭

羅貴林字萬鍾扶溪人禮義自守以勤儉成家常勸人爲善族黨有紛爭者從容排解莫不敬服歲凶嘗捐穀濟饑雍正四年奉

上諭舉老農以示鼓勵貴林與焉乾隆元年

恩錫八品頂戴壽八十卒

蒙儒棟恩村人附貢生制行端嚴教子一經治家百忍常以周急濟人爲心兩弟歿善撫其孤嘗拾百金於途覓其主還之桂陽知縣鄭禾聞其

事旌以古道照人督學王公丕烈撫軍王公安國以敦行立名惠及鄉邦前後表其門

劉志周字昌魯長江人性敏悟通經史爲人坦直樂善好施與不令人知遇公事概用已貲勞而不伐有讓以化貪忍以化暴之風郡舉鄉飲正賓

譚惠義字克宜扶溪人樂志林泉不求聞達事親孝教子孫以耕讀爲務累世繁昌人以爲敦本之報

陳世應字功兩城南人持身謹厚品行端莊教六子俱成立名噪一時南雄翰林胡定贊曰維山

仁化縣志卷六

列傳

十五

川之毓秀挺杞梓之良材秉穎聰於揆攬懋澡浴於年頽向林泉以容與披風月以徘徊里黨瞻其偉望籌畫著其長材陰德留於後裔王氏之垂蔭於庭槐

朱世錦字佩度城南人貧約自守與父言慈與子言孝好刊善書勸世子點明經孫曾俱列文庠壽八十二終

羅文斗邑庠生扶溪人好施樂善乾隆十一年饑捐穀助賑知縣沆廷光旌以心存任恤十二年督造書院捐腴田以助膏火知縣馬遇以藝圃流輝知府薛又以義飲橫經旌之

黃 瓚字容齋上寨人曾祖子貞事親以孝聞祖
天俊存心忠厚尤隆師重道瓚生而穎異夙承
祖訓寢饋諸古文大家不規規尋章摘句雍正
壬子以易經膺鄉薦辛未成進士授廣西北流
縣知縣有善政邑人謳頌之調陸川縣興學愛
民澄清如水終鬱林州知州 採訪冊
譚時英字連椿郡庠生稟性慈孝待人和藹知縣
崑開發嘉其忠厚能敦睦宗族舉爲鄉正
羅惠邦字贊祖扶溪人端方正直睦族恤隣常爲
鄉黨解紛歲饑捐穀賑濟教四子俱成名

蒙學爌恩村人增貢生少孤力學弱冠補弟子員

仁化縣志卷六

列傳

十六

以孀母多病不稍離左右乃援例入貢居恒敦
孝友慎交遊賑貧困解紛爭鄉里子弟沐其教
而成立者指不勝屈嘉慶乙丑督憲那訪其行
旌以型方善俗

劉良謀字攄舟邑庠生好善樂施縣治東乏渡以
田租二十餘石歲給其工食往來便之

劉化章長江人性直而好義凡建祠宇修橋路樂
而忘倦隣里有鬥者必爲排解親見五代同堂
黃珽增貢生兄弟友愛訓子姪嚴寒暑不輟乾隆
五十二年歲薦饑嘗出穀壹百二十石以濟鄉
鄰人咸德之

劉普容歷林人郡庠生篤於天性善成親志敦睦宗族鄉人之桀驁者化焉公舉飲賓壽九十七弟普亮仁厚如之同爲一時所稱

劉韶慶以勤儉成家一堂雍睦兄友弟恭五世同居稟其家法焉 恩錫冠帶

鄧宏量字元度幼而英敏弱冠遊庠食餼後進多所成就里有爭鬥者力爲開導以釋其忿臨貢而卒 以上舊志

黎潛鵠字龍滾江頭人性嗜學不務外事不苟小就爲諸生時試輒冠軍中式乾隆甲子科舉人三赴春闈不第或勸其考調鵠曰吾不進士不

仁化縣志卷六

列傳

十七

可以爲官其立志如此甲戌再赴公車卒於山東旅邸士林惜之 採訪冊

劉焜字乃晃城北人乾隆五十年恩貢慕濂洛之學究心史籍授生徒寒暑弗輟性剛直廉介不苟取與其有因貧改業者解修儀助之一時從遊者聲振鬢序當道聞其賢擬荐辟辭弗許以韋布終 採訪冊

譚廣掄字厚夫麻塘人孝友廉讓以經明行修爲亟由拔貢中乾隆戊子科舉人邑侯多重其賢歷延義學主講從游者多知名士授湖北通山知縣精勤吏治戊申己酉兩科湖北同考試

官護理施南府同知賢聲藉藉所著有公餘四

書文一卷誥授奉直大夫子兆燕別有傳

採訪

冊

譚兆燕號鹿苹廣掄子母楊氏分娩時有白燕飛入直達臥室故名聰明穎異博學多才少以神童稱年十六縣府道試三冠其軍入邑庠年廿六中乾隆丙午舉人公車北上不第留京數載都人士咸知有鹿苹先生丙辰登進士授山東朝城知縣戊午科山東同考試官性質直不能脂韋本府某嫉之故入其河工虧帑遂落職臬司吳涖任素重其才辨之復原官以丁艱回籍

仁化縣志卷六

列傳

十八

不肯復膺民社改廣州府教授啟迪譽髦論文

賦詩卒於官

採訪冊

葉煥堂字睟然江頭人廩生天性孝友人無間言親沒遺產讓弟取腴美以瘠薄歸已篤學力行臨終猶手不釋卷善擘窠書有奇書必傾囊購之孫華國貢生

採訪冊

劉騰輝字增光長江人歲貢貧約自守授生徒不計修儀力難自給者且分贈之品學端純錦江多士悉仰師範兼嫻岐黃術昏暮叩無弗就後推信宜訓導未任而終

採訪冊

劉普凝字朝點歷林人廩貢生少有大志博涉經

史遇荒歲發穀賑饑鄉里賴以舉火者甚衆善書畫著有眞賞集待梓嘗捐田租三十石入照

臨寺創建厯林新橋

採訪冊

譚丕顯字士順厚里人父元舒有厚德顯生而端方入邑庠五十無嗣買妾曲江周田何氏歸是夕見氏背燈而泣急叩之氏曰妾實有夫緣無賴負豪債逼賣妾以償耳卽趨出白父父曰天終不絕爾嗣遽招氏夫贈銀十兩遣歸後原配吳氏旋舉六子長鉅光武庠孫建章文庠享壽

八十一

採訪冊

葉斌江頭人武庠篤孝友同氣五人斌居長產物

仁化縣志卷六

列傳

十九

聽父所愛腴美皆弟得之無吝色熟岐黃術尤精兒科應人不索謝壽八十三孫曾繁盛

採訪冊

譚有勳字敬苑麻塘人性樸誠言笑不苟好作育人才於家塾立會課文以誘掖鄉後輩優獎有加由廩貢厯署歸善教諭惠來訓導

陳守傳字繼宗城南人至性過人事孀母甘旨必親年稍長權家政有幼叔頗不馴傳待之如禮恒以大義啟迪之鄰里族黨不給者多賴其周恤遇修葺廟宇橋梁等事銳然自任中年遽卒人多悼之

採訪冊

謝鳴球字煥熙廩生巖頭人好善樂施延師教子

孫贄禮筐脯必加厚鄉鄰戚友告貸者無吝容
每年節必宰猪分佈鄉人之貧乏者公舉鄉飲
正賓孫曾濟濟庠序享壽八十歲

採訪冊

黃啟敦貢生家素封無驕志待人有禮法隆師重
學嘗助立社倉恤鄰睦族知縣聶元聲旌以義

重鄉邦

舊志

劉充和慈祥好善時有鬻妻以償債者和遇之途
遽傾囊贈之遂全其夫婦其好施類如此

譚城城口人儻有大志好讀書兄弟五人六十
餘年同居延師教於家子侄盡列膠庠

朱登第城南人邑增生至性孝友守已端方貧約

仁化縣志卷六

列傳

二十

而好善有餘資刻善書以勸世年七十三猶不
忘學兩學師稱爲善人薦舉黨正

譚中泰字際會夫義婦順相敬如賓處世謙和救
貧恤乏人皆稱之

陳璉字萬齡城南人候選縣丞性孝友質直好義
恤孤憐貧爲閭里所推崇嘉慶二十年公舉鄉
飲正賓

鄧彩土城口人純厚勤樸耕作成家生七子夫妻
俱享耄年親見四代男婦百口各供耕讀五世
同居無私財異產孫世馨現邑庠

採訪冊

謝廷駿巖頭人仗義疎財好成人美無力婚娶者

助之借貸難償者置不問里有睚眦之爭經駿
諭事皆冰釋不肖者懍懍服其教焉

採訪冊

譚六壽馬鞍岡人和睦親族憐恤貧困喪葬無力

尤加意施子人多賴之

採訪冊

鄧成魁字聯清長江人家貧篤于友愛弟灌川遊

庠早卒魁撫其孤養育教讀以至成立逾於已

子士楷其侄也歲貢生

採訪冊

譚舉忠字省齋城口人廩生器宇軒昂襟期豁達

居鄉持大體捐義倉以賑貧乏於行旅落魄者

尤加意望重鄉閭鼠牙雀角片言立解遠邇咸

欽仰之

採訪冊

仁化縣志卷六

列傳

二十一

楊作楨字燮堂邑城人附貢生謙恭樂易好施予

婚娶喪葬無力者多所資助咸豐間紅匪踞城

土人乘機搶掠其家事平獲犯首將梟決楨親

詣保釋亦厚德所難也七年同委辦修城公務

壽七十三以子援例膺二品封典

黃汝梅字玉平廩生上寨人性謙和好學博覽羣

書精岐黃施方捨藥人多德之

採訪冊

劉遜志號敏亭歷林人性穎悟弱冠補弟子員精

擘窠書善畫山水居恒孝友內外無間言屢困

棘闈援例以縣主簿分發粵西署都康州吏目

著有賢聲以母老解組旋里怡情詩畫足跡不

履公庭子四長思楨己酉拔貢次思舜由廩貢
卽選訓導思泮廩生思翰癸酉拔貢孫樹棠年
十二以五經入邑庠

採訪冊

譚 徽扶溪人歲貢行止方正居身廉讓從其遊
者甚衆時有冒認其祖墳者族人欲訟之推徽
爲首徽曰彼以我祖墳爲祖墳而掘棄之可訟
也彼以我祖墳爲祖墳而拜祭之是我祖多得
子若孫也何訟爲事遂寢冒者尋亦止不敢爭

採訪冊

李儲馨高宅人監生隆重師儒嘗于家塾延師招
近村無力子弟以向學負欠難償者悉焚其券

仁化縣志卷六

列傳

二十二

每年儲穀數百石以防歲歉鄉鄰稱貸悉與之

採訪冊

周世楨字柱亭城口人附生性至孝親喪寢苦枕
塊哀慟幾毀作育後進不形德色咸豐間連年
兵燹凡團練保甲捐資守防言應如響生平能
忍能讓明大義重然諾鄉鄰莫不重其人

採訪冊

李輝智字若愚扶溪人父培運歲貢任瓊州定安
教諭富而好善輝智辛酉拔貢端方樸實言笑
不苟好學不倦邑人艱於鄉試乃創爲扶溪賓
興士林德之就教職分發高州卒於宦邸弟輝

宏輝吉俱邑庠子廷業增生

採訪冊

譚家聲扶溪人貧而力學不與外事從游者如林

子懋昭懋思亦蜚聲庠序

採訪冊

謝庭驥字蹴雲岩頭人鳴球子也好學不倦遊庠

食餼歲科試屢列前茅事親尤孝居母喪守制

三年起居食息不離靈寢惜年未四十而卒

採

訪冊

劉大章歷林人端方正直能以善服人遇荒年出

穀減價平糶鄉鄰爭鬥片言立解

採訪冊

李家棟字吉夫扶溪人歲貢端方純樸家貧務經
史學論文宗法先正友教四方遊其門者多知

名士

採訪冊

仁化縣志卷六

列傳

二十二

李翹山字敬亭石塘人道光丁酉拔貢朝考二等

時有同考生妬其勝已陰軋之污其卷遂見黜
毫不介懷歸後不復究心舉子業侍奉八旬老
父色養備至精書畫求者日不暇給生平有犯
不校見義必爲六十一歲以壽終

採訪冊

李文炳武生扶溪人幼孤事母至孝同氣推甘讓

美嚴於訓子皆能成立弟文照亦武生敬老恤

貧鄉里恒有待以舉火者賢聲尤著

採訪冊

黎正學江頭人篤學力行偕伯兄敏學友愛甚篤
同入邑庠生平樂善好施鄉里婚嫁喪葬無力

者必從厚資助以歲貢終

採訪冊

黎際可江頭人邑庠仗義疏財樂善不倦道光十
六年歲荐饑發穀二萬餘觔拯濟鄉隣德之子
三人多列庠序是年黃中選亦捐穀五十石以
濟社倉之不逮中選上寨人邑庠生

採訪冊

黃璇歲貢生上寨人敦睦宗族創文社親臨督
課族中子弟列宮牆三十餘人三子六孫咸登
庠序

黃勳上寨人郡庠兼習岐黃術精外科求者不
索謝鮮兄弟事姊尤篤撫孤甥女養育擇配甥
女亡待其所遺子女亦如之

葉馨香字蘭亭邑城人歲貢少孤貧而力學教授

仁化縣志卷六

列傳

二十四

生徒循循不倦性無嗜好布衣蔬食里黨有爭
輒排解多有陰受其益者咸豐六年吳邑侯命
督修城垣經營不遺餘力屹然崇墉足資扞衛
年七十有二無疾而終長子慶清郡庠生以團
練功保舉訓導

黃三才上寨人性孝友務農力穡妻某氏嘗一產
三男時縣尹鄭紹曾因公至其鄉撫視之賞賚
有加錫名曰純聰純明純慧俱成立

採訪冊

附舊志善人

李成玘持身孝友處衆咸宜 蒙埜安貧守分
不入公門見旌善亭 劉以寬孝友惇睦築城

有功 李德魁克儉克勤教子一經 鄭銘能
忍能守與衆無忤 劉騰輝蜡口人儉樸和厚
凡鄉鄰有急者慷慨樂子並無難色人咸稱之
李惇持身謹厚處事公平 鄧春甫力田孝
弟履規蹈矩見重鄉評 李廷選裊躬有禮能
以孝友詩書爲庭訓奕葉稱士林府旌冠帶
蒙景瀨耿介有守謙和接物府飲賓 譚翥龍
居家敦睦教子有義方 譚秀松孝友著於族
黨爲賓筵矜式 蒙士爵惇倫睦族課子以立
行砥名爲鄉所重 李廷述孝友仁厚其教子
之正處事之平閭里推服耆年冠帶 藍廷茂

仁化縣志卷六

列傳

二十五

禮義持身詩書訓子舉飲賓 蔡人龍克修其
身庭訓有術冠帶飲賓 李廷造冠帶耆民性
端行恪和族睦隣時咸稱爲長者 羅厥銘禮
義廉耻四維自固 譚彥淳好義樂施賑乏濟
困創修橋梁 黃珮附貢生孝友著於鄉邦仁
義孚於閭里南雄胡御史定旌以孝友直方
鄧民則爲人誠謹冠帶飲賓 譚三德好善不
倦鄉人禮之冠帶飲賓 譚尙忠志行醇謹閭
里交稱孝友可風公舉鄉飲 譚耀宸義方有
訓式穀無慙上荷 恩綸之褒允爲親戚交遊
光寵 以上李志
黃翠元處世以和持身以儉敦

宗睦族解忿息爭 李當智持己以恭處衆無
忤鄉里咸稱爲忠厚長者 李賜球正直端方
處事公平 李敬德孝弟力田克勤克儉其持
身之厚處事之平閭里多相推服 陳啟志邑
庠生城南門人和睦鄉里友愛兄弟品行嚴正
排難解紛翰林胡定以品德兼優贈之 羅經
緯處世正直居家勤儉一生樂善不倦終身義
命是安後其子鳳彩遊庠食餼人咸稱之 劉
錫靖孝友性生治家有法處世無僞里黨無間
言 劉勝萬城東人父亡遺腹五月而生自幼
事母盡孝里黨咸稱美焉 孫惟和友愛兄弟

仁化縣志卷六

列傳

二十六

作育子侄以至持身處世鄉里俱無間言 劉
嘉賓品行端方恪遵禮法公舉鄉飲 黃玲幼
年勤學澹樸無僞香草早萎士林惜之

以上鄭志

案

舊志人物分鄉賢善人兩類凌雲以上二十
六人爲鄉賢蒙化鵬譚福祖以下俱爲善人年
代不分先後倒置今正之統爲列傳又舊志善
人中語多通套類以孝友仁厚克儉克勤等詞
空空褒獎是未可據也夫志者誌其實行以表
彰之必德行道藝忠孝節義實在事跡次則一
長一善實有可稱方足矜式若徒空詞褒美安
足貴乎又或僅以修橋整廟銳小細故便稱善
士將使人以爲苟如是便足表揚志乘光耀來
茲不更隘人進修之心爲善之量乎故除舊志
已載者不刪而附於後新採者不敢濫登所以

仁化縣志卷六

列傳

二十七

厚望於人材爲人心風俗起見非有所愛憎於
其間也

列女

明

李氏石塘人嘉靖時年十六適劉宗宰育一女十九而宗宰卒自守謹肅終身不出戶闕燕居不妄言笑族黨高之

譚氏紫嶺人嘉靖時年十七歸李元早越五年元早卒譚誓志不再嫁勤紡績侍姑甚謹教子成秀士貞居七旬終始如一

李氏石塘人嘉靖時適譚漢年十九夫亡伶仃無倚姑衰老廢明李嘗以舌餽目未幾復見人以爲孝感守節撫孤八旬聞範冰潔知縣李中立

仁化縣志卷六

列女

二十八

勘實申請表其閭曰節孝

趙氏東莞人蒙士彥繼室嘉靖己未與其姑譚氏俱爲賊執賊張旗欲殺譚以祭趙抱姑願以身代賊欲奪其志義不受辱罵賊而死桂陽鄉進士范永宇永官以辭哭其墓略曰嗟彼士子流猶難探虎穴豈意裙釵女凜然持大節挺身代老姑厲言拒強賊不愛千金軀寧甘三尺鐵正氣塞乾坤精英貫日月

劉氏紫嶺人嘉靖時適譚游年二十五而寡撫孤自誓持家勤慎律身謹肅年八十而終萬曆元年知縣楊廷采以母貞子孝旌之

譚氏劉治之妻馬鞍岡人隆慶時年十九夫喪無嗣惟一女貧甚譚矢志堅潔如金玉紡績度日卒年八十

馮氏曲江大塘人萬曆時年十六適邑人劉宗鵬奉姑克謹三十歲居孀紡績教三子俱餼於庠年七十四卒知縣袁伯睿高其德造廬弔焉

劉氏長江人萬曆時適蒙士正年十八夫喪劉矢志守節五十二年堅白不渝

黃氏上寨人嘉靖時適蒙倖時年十七夫亡僅一女撫其姪士宏若己出家甚貧甘清苦誓不他適卒年六十七桂陽進士郭秉昭贊曰冰蘖之

仁化縣志卷六

列女

二十九

操松栢之節從一而終矢志靡忒天綱以扶地紀以植彼懷二心星淵迥別名播千古光昭簡帙

歐氏桂陽人萬曆時年十七適蒙士仰未幾仰卒無子泣血三年未嘗見齒矢死不二抱節終身何氏南門人永安司教羅光庭之母年二十五守節撫八齡孤奉六旬姑恭謹有加未嘗一履戶外理家睦族內外無間言享壽八十八崇正某年卒闔邑稱衆母督學魏公浣初嘗旌之袁氏厚坑人嚴昌裕之母崇正時守節凜然前知

縣楊憲卿扁旌

劉氏城北人生員吳驥之妻明末丙戌年爲亂兵所掠扶之上馬劉知不免乃從容騎坐以釋其疑行至赤石逕見路傍有大塘遂投塘死

張氏芋田人崇正時適耆民劉以憲憲無子爲之娶妾生男宗漢四歲夫卒氏與妾共撫孤訓教有方其子蔚爲名士督學馮公旌其門曰文行兼優

嚴氏北門人庠生陳世舉妻崇正時二十二歲孀居撫孤知縣李繼晟旌曰節義流芳

陳氏葛布人萬厯時年十六適庠生劉芳魁二十夫歿遺孤甫七月栢舟自誓白首不渝享壽八

仁化縣志卷六

列女

三十一

旬餘邑侯魏開之以勁節撫孤旌之

李氏石塘人孝廉劉獻臣之妻崇正時夫卒守節閨範整肅教四子成名三明經一青衿原河南推官凌雲贈有健婦持門戶勝當一男兒之句李氏高宅人水南梁省吾之妻萬厯時孀居義方教子節操冰霜年八十五翰林陳彩撰壽言贈之

劉氏平山都人崇禎時歸楊雲泰年二十居孀撫二歲孤栢舟自矢終始不渝卒年八十六盧氏大富人陳白初之妻崇禎時孀居能孝節操堪嘉邑人重之

蒙氏紫嶺譚鮑妻于歸一載遽喪良人矢志不渝
凜若冰霜持家勤儉教子詩書知縣司馬暉旌
以節操流芳兩學劉大縉賴文煥旌以貞節明
揚

國朝

譚氏紫嶺人年十六適羅潤祖十八夫亡無嗣矢志栢舟翁姑爰擇羅惠邦之子過繼承桃氏孝事翁姑克效熊丸之教課子成邑庠未幾繼子又無嗣而歿氏操節冰霜零丁孤守終不渝志乾隆四十五年知縣崐開發勘實申請旌表建坊壽終七十四入祀節孝祠

仁化縣志卷六

列女

三十一

蒙氏扶溪譚功衍之妻夫亡時年二十四以未亡人自痛跬步不苟晝荻尤嚴訓三子成立知縣題請建坊旌以節義流芳

李唐蔡

氏皆長江劉志周側室順治庚寅流賊蹂躪氏俱爲賊所執共罵賊而罹其刃

劉氏城南羅涵之妻年十七夫卒孀守撫孤及長延師訓誨厥子身列邑庠

葉氏城南陳良貴妻夫亡時年十八僅育一女矢志孀居始終如一恪守閨儀壽終七十有五

劉氏城北人蒙民安妻年十九夫卒撫遺孤甫五月以養以教至於成立且敬事耄耋翁姑儉以

持身和以處世目見四代家法綦嚴壽七十八而終

陳氏葛布人年二十適蒙儒相逾年夫卒懷孕未產伯氏之季子學燾入繼成服越半月產一男卽增貢生學燾氏飲血啣啼勵志栢舟和熊畫荻訓子及遺腹孤俱成名撫諸孫皆有聲庠序年六十署學陳國華旌以德壽雙輝

李氏古夏人年十五適譚試行生一女二十歲夫亡苦志守節壽八十六而終

劉氏城西人年十七適葉聲遠二十一歲夫亡矢志孀守撫子春開勵志芸窗身列宮墻知縣沈

仁化縣志卷六

列女

三十一

廷光旌之曰節德可風

劉氏扶溪國學譚一佐妻二十四歲夫亡矢志守節知縣彭志浚旌以節表仁陽

譚氏城東劉璽若妻二十四歲夫亡苦志守節事親撫孤克盡其道壽七十六而終

譚氏城東陳元緯妻二十四歲夫亡遺孤纔十月貞同松栢

馮氏馬嘶凹人年十八適蔡含元越五年夫卒氏誓不改嫁事翁姑婦盡子職撫孤兒母兼父事孀居四十餘年堅白不渝

黃氏上寨人年十八適庠生蒙乃昕二十四歲夫

卒孀居自守撫伯兒子如己出現年六十有一里黨無間言

葉氏猴子坪人年十七適石塘李光弼越五年夫卒氏撫百曰孤兒幼則愛護備至長則訓誡加嚴至勤以持家潔以守己鄉里咸交稱焉

徐氏城南黃超士妻年二十七夫亡遺孤七齡矢志孀守凜若冰霜子庚元列成均壽八十一而終

劉氏城南國學陳天聰妻年二十八夫亡擇繼尊齡萬齡二姪承祧栢舟自矢始終不渝嘉慶六年

仁化縣志卷六

列女

三十三

恩錫八品孺人壽八十五而終

許氏城西葉必凝妻年十七于歸二十五歲夫亡矢志守節事姑以孝聞撫孤成立壽九十一而終

葉氏猴子坪人石塘國學李秀林妻夫卒時年二十六氏晝夜哭泣欲以身殉親族議立其夫弟之三子爲嗣氏撫如己出教養兼全而清潔之操勤勞之節鄉里至今稱之

譚氏城南邑庠楊廷勳妻年二十五夫卒矢志守節撫育二子乾隆十一年送田租十一石入仁陽書院以充膏火知縣馬遇旌以貞淑可風

鄒氏年十一適庠生葉懷瑞二十六歲夫亡長男甫三歲次子襁褓氏艱辛守節壽八十一而終
葉氏城南陳天經妻年二十八夫卒矢志孀守孝事翁姑教子義方俱成立壽臻古稀而終
謝氏麻塘邑廩生譚康掄妻年二十七夫卒節守自貞侍奉翁姑盡敬盡禮五十二歲而卒
劉氏石塘國學李實秀妻年二十七夫亡撫孤自誓持家勤儉子蜚英崛起宮牆僉云節守之報
葉氏窰前人恩村國學蒙學燿妻年二十一孀居撫二孤長三歲次未週月冰霜自守教訓有方子孫皆成立族黨高之年五十八而歿

仁化縣志卷六

列女

三十四

謝氏馬鞍岡譚斗壽妻年二十四夫亡栢舟自矢壽終七十有五

李氏譚定鰲妻年二十四夫卒矢志孀守壽七十四而終

蒙氏黃玲之妻年二十八夫亡遺二子長三齡次僅週歲氏孝事翁姑擇師訓二子皆成名孫曾層列遊庠食餼年登七旬邑人製錦有范進士周觀察爲之序

蒙氏馬鞍岡譚彭壽妻二十五歲守節始終如一壽登七十有三

鄧氏長江沈尚人年十七適城口譚棟越二年生

子僅三月而夫逝青年自守矢志不嫁厥子青
選成均孫舉忠等遊庠食餼現年六十餘歲人
無間焉

譚氏年十六適黃曾容越五月夫卒守節至六十
九歲堅白不渝

徐氏恩村冲頭蒙雲山側室年十五于歸二十歲
夫亡清操自持終始不渝

以上舊志

葉氏江頭庠生黎人質妻年十七夫亡撫遺腹子
成立治家嚴而有節孝順慈惠周恤貧乏雍正
正二年題請

旌表建坊孫四人長潛鵠乾隆甲子科舉人潛鱗潛譽

仁化縣志卷六

列女

三十五

潛淵相繼入泮曾元林立壽九十有六親見五

代同堂遐邇羨之

採訪補登

李氏江頭葉書猷妻于歸日夫病已篤強扶成禮
後一日夫死貞節無瑕性和順仁慈聞者皆敬
禮之壽七十二歲

以下採訪冊

劉氏江頭例貢葉聯芳妻二十四歲夫歿守節不
二教子成名長理商邑增生次理泰監生享壽
六十九歲

李氏適江頭葉純一爲妻二十七歲夫卒矢志守
節和淑端莊善持家撫育三子皆成立孫曾滿
堂壽七十二歲

劉氏巖頭謝庭驄妻歲貢劉際清女二十八歲夫卒操守清潔人無間言里黨高之年五十六而亡

劉氏江頭人適馬鞍岡譚朝英二十四歲夫卒長子春林甫三歲遺腹子秋林日則督子躬耕夜則篝燈訓讀孀守無二享壽七十三歲

李氏高宅人馬鞍岡譚多助妻二十六歲夫卒遺腹一子家貧以女紅自給撫育遺孤享壽七十有七

鄧氏紫嶺譚梓如妻年二十一夫亡苦節自勵五十九歲卒

仁化縣志卷六

列女

三十六

李氏紫嶺譚定鰲妻年二十三夫亡勤儉教子鉛華不御享壽八十一歲

劉氏紫嶺譚祖厚妻年二十九夫卒柏舟自矢壽七十三歲而終

李氏紫嶺譚年貴妻夫亡時年二十四節比冰霜咸豐九年七月賊突至氏懼爲所辱投池自盡李氏紫嶺譚雲曙妻年三十夫亡礪節守志上孝翁姑下撫孤兒子家謨增貢家訓家誥俱邑庠孫曾林立亦蜚聲庠序

蔡氏紫嶺鄧茂生妻年三十夫亡樵採度日撫育兩兒其苦節鄉人咸稱之壽六十六歲

李氏扶溪人適生員譚本純早卒氏時年二十九苦節孀守撫兒成立壽六十八歲

鄧氏長江人庠生劉鷹飛妻年二十六喪夫矢志守節孝事翁姑喪葬盡禮撫其孤遠謀遊庠壽七十六歲

劉氏長江人十六歲適南門陳清耀越二年生一子甫數月夫亡氏礪節孀守撫孤成立足不出戶庭雖親戚罕識認者享壽六十有四

潘氏曲江人適西門劉傳政二十九歲失偶寡居無嗣續親操井臼守節以終

張氏新逕人適東門劉家珍二十四歲夫卒家赤

仁化縣志卷六

列女

三十七

貧鬻珥以事老姑力作以撫幼子未幾子亦不祿茹蘗以終

鍾氏北門羅應運之妻年二十七而寡撫孤靡他壽至七十四歲堅白不渝

黃氏上寨進士黃瓚曾孫女適北門葉廣輝二十七歲夫卒無嗣貞潔自守孀閨無玷五十二歲而終

李氏麻塘譚冬妹妻年十八夫卒無嗣矢志孀守始終不渝知府徐青照以玉質冰心旌之

戴氏麻塘譚敦先妻二十歲夫亡撫孤孀守賢而有節於鄰里貧乏者恤之親見四代壽七十三

子五經孫爲梅俱武庠餘孫亦列成均

謝氏麻塘譚日旺妻二十四歲夫卒矢志孀守事
翁姑孝養兼盡撫子其倚游庠食餼其倚亡擇
立嗣孫撫育成立 學憲胡瑞瀾旌以節孝可
風壽登八十三歲同治九年知縣陳鴻申請

旌表入祀節孝祠

藍氏康溪鄒丁長妻三十歲夫亡鬻薪茹荼艱貞
守節五十九歲而終

馬氏斷石吳孟章妻二十四歲夫亡家貧孀守撫
孤成立享壽八十五歲四代同堂孫聯棟聯輝
俱武庠聯芳成均

仁化縣志卷六

列女

三十八

傅氏康溪鄒勝輝妻三十歲夫亡甘貧寡守心堅
金石壽終六十九歲

鄒氏幼適大度嶺黃慶紹二十七歲夫亡矢志柏
舟六十三歲而終

蒙氏冲頭人適城口譚頤年二十九夫卒子幼姑
老孝養備至乳育幼子成立壽九十二歲

葉氏縣城人適城口譚著年二十九歲夫卒守節
三十九載而終

譚氏扶溪人廩生蒙慶台妻年二十三舉一子未
週歲而夫亡撫孤礪節以養以教抵於成人壽
登六十九歲

李氏高宅人適恩村蒙華得年十六夫亡無嗣翼伯氏次子爲嗣二十歲父母欲奪其志氏堅拒之終全其節族黨交稱

劉氏西坑人適武生蒙流芳年二十四失偶寡居冰霜礪節六十九歲而終

譚氏麻塘人郡庠蒙錦璿之妻年二十六夫亡嚴肅閨門堅貞操守六十歲而終

黃氏城口人適恩村廩生蒙煥然年二十二而寡不事華飾不苟言笑不出戶庭終身無遺行張氏紫嶺蒙青廣之妻年二十八而寡翼夫弟之子欽點爲嗣娶室承祧四十六載不改其操

仁化縣志卷六

列女

三十九

鄒氏長江人適企石灣劉乾孝年二十夫亡家貧無嗣恐不免奪志一夕更吉服哭於夫之靈前端坐自盡次早環覩顏色如生鄉里稱嘆不置譚氏古夏李子杰妻二十四歲夫亡苦志守節孝養公姑撫孤聯芳八邑庠孫曾林立壽登八十四歲

譚氏古夏李文健妻二十四歲夫亡無嗣翼夫姪德章承祧事姑盡孝養壽登古稀德章入武庠咸豐八年訓導黎國琛以節孝流徽表之譚氏厚塘鄧戊亮妻年二十二歲夫死於虎氏孝事孀姑撫遺腹至於成立節守八十五歲而終

林氏長江劉欽壽妻年二十夫不祿氏屏去釵飾
嚴肅閨門孀居六十餘載目見曾元無疾而終
梁氏水南人適庠生李世榮年二十八守節撫孤
事翁姑克盡孝養長子文燿同知銜次文煥遊
庠孫曾林立

陳氏湖坑人聶廣學妾二十七歲主亡嫡亦繼逝
氏撫嫡孤教育成名孫曾羅立七十三歲而終
黃氏城周冕之妻年十七夫亡操守撫孤希冀
宗祧克承未幾子亦不祿氏仍柏舟自矢苦節
以終壽八十九歲

楊氏石塘李瑞璿妻年二十五歲夫卒無嗣飲冰

仁化縣志卷六

列女

四十

茹蘗守節不二壽八十五歲

顧氏獺佬埧人城東蒙堯明之妾年二十四主亡
善承嫡志冰霜自守現年七十一歲典史錢正
修以節比松筠旌其廬

梁氏水南人上寨拔貢黃大成之妻秉性貞烈懿
行堪嘉咸豐十年正月間流匪蹂躪氏被執義
不受辱罵賊攫鋒而死

劉氏厚里譚祖護之妻二十九歲育一子而護亡
家業中落撫育遺孤現年七十三歲

李氏厚里譚龍光妻年二十八育一子夫卒誓死
靡他終身未嘗華飾現年六十四歲

鄧氏紫嶺譚鼎慶妻年三十夫亡孀守撫孤不出
戶庭現年七十八歲

張氏紫嶺廩生譚家賢之妾二十六歲育二子夫
亡勤儉持家冰霜勵節現年六十九歲

李氏紫嶺譚肇松妻年二十五夫亡撫孤勵節現
年六十七歲

麥氏紫嶺譚達霄妻年二十育二子夫亡孀居苦
節現年六十一歲

譚氏石塘李鴻略妻年二十七夫卒孝事翁姑義
方教子子紹棠孫嘉樂先後遊庠其處家勤儉
和睦妯娌尤爲鄉里共推現年七十一歲

仁化縣志卷六

列女

四十一

黃氏上寨人年十六適城口周利見二十八歲夫
亡孝事翁姑慈撫幼子底於成立長汝善例貢
次汝弼邑庠現年七十一歲節操不渝

李氏扶溪人任定安教諭李培運之妹年十九適
城口周世標二十九歲夫卒無嗣誓志靡他嚴
肅閨門不苟言笑現年六十六歲

孫氏城南人年十五適冲頭蒙秉良二十四歲夫
亡上事老姑下撫孤兒茹蘗飲冰現年六十二
歲

葉氏水南梁勉國妻二十七歲夫亡家貧孀守撫
孤教養兼盡孫愛禮入武庠現年八十歲

劉氏長江人適監生鄧康漢二十九歲喪夫矢志
孀守撫孤成立現年八十有九五代同堂

李氏長江矮墻人適鄧馨桂三十歲夫卒孀守撫
孤成立現年九十歲五代同堂曾孫昭然邑庠
生

曾氏長江陳奢人適職員鄧其昌年三十夫亡二
子尚在襁誓志不渝教養成立現年六十八歲
鍾氏東嶺人適竹田劉癸順年二十夫亡懷貞履
潔不玷微瑕撫子吉士遊庠知縣劉兆霖以節
孝徵榮旌之

黎氏南雄飲水嶺人適鄧煥彬年二十七孀守紡

仁化縣志卷六

列女

四十二

績維勤紉鍼自給事翁姑克盡孝養撫幼子胥
底成人人咸嘉之

黃氏東嶺人適長江劉全興二十八歲夫亡心堅
金石撫孤成立年六十一歲

鄒氏長江張粹淮妻年二十二夫亡柏舟自誓節
守不渝年六十二歲

劉氏竹田人適梁榮清年二十夫故律身嚴肅持
家勤謹撫兒育孫教養成立年五十五歲
譚氏城口人適上寨黃汝槐年二十八夫亡孀守
孤兒教養成立現年六十四歲

劉氏西坑人適冲頭蒙秉燹年二十五夫亡事奉

老姑撫育幼兒現年六十七歲

李氏古夏人適上寨黃振翼年二十三夫亡孀守

清節毫無間言現年七十四歲

譚氏扶溪人適冲頭蒙兆猷年二十七夫亡甘茹

冰蘖誓從地下現年五十九歲

李氏古夏人適遲週劉百慶年三十夫亡撫孤守

節長子汝鶯次汝鷹先後遊庠知縣吳裕徽以

貞幹生華旌之現年七十五歲

譚氏紫嶺人適塘洞劉品現年三十夫亡力貧苦

守子文彬武庠現年六十歲

劉氏湖坑羅北燕母二十九歲夫逝堅貞節守艱

仁化縣志卷六

列女

四十二

辛備歷現年八十二歲

徐氏歷林劉俊古妻年三十夫亡守節不渝咸豐

九年被賊追逼投河而死

謝氏江頭庠生黎景瀄妻二十八歲瀄亡謹守清

節人無間言現年六十二歲

黎氏城口人年十六適上寨黃敦本逾年夫卒勵

節撫孤壽七十二而終

鄧氏長江人上寨黃德昌妻年廿六夫逝僅遺一

子撫孤成立壽終八十有二

列女補遺

盧氏武生劉德中妻年十九夫卒懷貞履潔節操
不渝乾隆十九年縣憲黃 申詳奉

旨旌表

譚氏東門劉友俊妻年廿四夫卒孀守御身嚴肅
治家勤儉事公姑孝處妯娌和訓子成名食餼
自孀居未嘗見齒非禮之言不入於耳年七十
八而卒邑侯周弘謨高其節而弔焉

劉氏石塘李士珍妻年廿七夫亡矢志孀守紡織
維勤迄今九十三歲伊孫李春喜等亦孝養備
至罔敢稍懈人以爲節孝之報

仁化縣志卷六

列女

四十四

蔡氏石塘李尙德妻生平夫倡婦隨相敬如賓子
秀祺甫三歲而夫尙德卒氏號天慟哭殉夫而
死

葉氏江頭人適石塘李鴻模廿四歲夫卒氏誓志
柏舟爲夫任勞事舅姑祖姑甚謹鄉隣羨之盲
年六十四歲

李冬貞石塘李翹晉之女靜貞純淑四德全備年
十七爭委禽焉咸豐十年六月髮逆煽亂隨父
逃避村後鵬風寨越六日寨陷爲賊擒執義不
受辱罵賊衝風而死

人物列傳補遺

劉獻臣號錦巖泰然子也九歲時能讀父書熟視古今載籍發而爲文大氣磅礴萬歷壬子舉於鄉膽識過人凡大義所在有裨風教者毅然肩之不爲利啖不爲威挫並不爲眾與獨所撓兩上春官不第適丙辰僞元敗露臣首天下士訟於朝士論偉之生平耿介自持不輕交惟與酒爲徒評閱詩文手持巨觥大佳大醉小佳小醉時凌子雲肄業門下興酣處拍案叫曰必子也繼吾武者天啟丁卯雲果以易登賢書子四人長曰材崇禎改元恩選次曰相曰杖俱歲貢四

仁化縣志卷六

列傳

四十五

曰槐庠生

劉廷諱號介園積學累行端方表正每爲韶南二郡士大夫所推重康熙辛酉鄉試中式第十名亞魁課文誘士通顯者多出其門同修韶府仁邑二志多其屬筆任江南鳳陽府潁上縣知縣慈祥愛民廉潔自守其政績載潁城祠碑致仕歸行李蕭然鳳陽薦紳與邑人多餞詩

譚廷偉邑庠生扶溪人家頗豐恂恂以濟人爲急時有從堂弟其旋夫婦中年遽逝遺孤翰冲九齡無倚偉撫之如己出其遺產加厚偉代掌之及長教育成名仍以原產付歸毫不染指迄今

孫曾蕃衍振聲黨庠鄉鄰猶稱道弗置

李夢蓮號明秀古夏人生平端方正直若原之介
有商之守非其人不輕交惟栽培子弟砥節礪
行爲務當道爲之器重邑侯覺羅續昌以志潔
行高旌之

李嵩華石塘人性孝友和宗睦族好善樂施凡屬
義舉無不力爲倡率閭里有睚眦爭競片言立
解子元捷懍承先訓友愛亦如之是致家庭和
樂內外俱無怨言識者謂其有三田之風

邱靈鳳中坌人邑庠生持躬謹厚足跡不履公庭
有古澹臺風乾隆癸巳秋邑侯崑開發以品行

仁化縣志卷六

列傳

四十六

超卓旌之

已上六條及列女節孝六條俱書成之後始行
採出未便照依年代攙補第不壽諸梨棗又恐
後此遺落終不足以發其幽光殊失闡幽顯微
本意今姑附刻於此俟後修志君子其參考校

正焉

校 繕 劉 燃 照 謹 識

耆壽

男八十以上女九十以上始登舊志已載者不刪

國朝

陳騰達字帝龍城南人武庠篤於孝友持己端方
訓三子俱成立樂善好施歲歉多所存活知縣
沈廷光以存心任恤匾贈之翰林胡定以懋德
永年表其閭壽九十三歲夫婦齊眉偕老以終
蒙廷獻恩村人敦厚雍和膺受

恩錫二次壽登九十有一

夏廷煥長江人勤儉持家教子義方孫曾一堂壽
登九十

劉瑞應城北人淳良質樸壽登八十有九妻彭氏

仁化縣志卷六

耆壽

四十七

壽登八十有四夫妻偕老同日而終

李爵性恬澹無求操守端方兩為鄉飲賓壽八十
五邑侯高其晚節旌以德壽雙輝

劉應魯和鄰睦族能忍能守義方教子力田自樂
惟謝鄉飲始至公庭教諭文廷徵以扁旌之壽
八十四

譚魯義忠厚型方謙和訓俗公舉鄉飲大賓壽八
十八

陳啟明城南人勤儉忠直為世所欽壽八十五
陳聲賢字大德持身處世正直無私壽八十八

恩錫八品冠帶

葉生雲城口人秉質魁梧好善樂施壽八十三

恩錫冠帶絹帛知縣彭志浚以鳳翽卷阿旌其門

蔡永貞城口人存心忠厚處世謙和鄉人敬之壽

終八十有四

譚文珂字聲達扶溪人忠厚處世詩禮傳家孫曾

世克濟美乾隆四十五年

恩錫八品冠帶壽八十而終

譚帝照國學扶溪人孝友安分人無間言壽登八

十有三

譚鴻圖國學扶溪人持身渾樸秉性溫和壽登八

十

仁化縣志卷六

耆壽

四十八

陳飛騰字帝建城南人國學秉性剛明立身嚴謹

壽終七十有五

舊志

譚上綱字錦宣郡庠扶溪人好義樂施邑侯戴旌

以厚德鍾祥撫軍王安國旌以惠及鄉邦壽登

七十

舊志

陳學聖字良輔郡庠孝友可風耄年好學訓二子

長儁次疇俱入郡庠夫妻偕老俱壽登七十有

五

舊志

譚夢鵠扶溪人捐穀倡建義倉巡撫王旌以惠及

鄉邦孫曾繞膝壽登七十而終

舊志

陳學源城南人爲人醇厚持守端莊里黨稱爲長

者壽終八十有五

孫戊祖城南人忠厚處世勤儉成家壽登八十三歲

陳國昌字樹齡城南人賦性醇樸睦族和鄉嘉慶二十四年

恩錫八品冠帶壽七十四而終

以上舊志

譚林菴紫嶺人素性公直好為人排解享壽一百零一歲生於康熙丙申終於嘉慶丙子常寫耕桂陽縣界桂陽知縣贈以昇平人瑞四字原配曾氏艱於生育爲譚買妾人兼病其老氏私與多金因買得朱李羅氏三妾連生四子四婦亦

仁化縣志卷六

耆壽

四十九

各髦耄目見四代同堂

以下採訪冊

譚 琰字睿照馬鞍岡人享壽九十有九 知縣李以昇平人瑞贈之

周一鵬官波水人生平好行方便享壽九十有九 知縣萬長齡賞給絹帛銀米以榮之

譚右通馬鞍岡人享壽九十有七
蒙映偉恩村人壽登九十有六目見五代子孫曾元四十餘人

劉維祺歷林人年十四入郡庠壽登九十有六重遊泮水

黃九星秉性質樸勤儉持家壽登九十有六

蒙 渭字非池恩村人壽登九十有四妻羅氏壽

登九十有一嘗出穀數百石入郡賑饑 道憲

王 府憲楊全旌以義比解推

梁毓甫長江人五代同堂壽登九十有四

譚上才紫嶺人人有故犯之者不與校壽登九十
有四妻周氏亦九十有九歲

梁光國水南人郡庠生子詩海詩湧俱武庠孫榮
禮增生四代同堂壽九十有一

方 秀號松峯城東人少失怙事母能孝偕其弟
每日負米以供生平質直好義勤儉成家親見
四代同堂壽登九十有一長孫均選明經

仁化縣志卷六

耆壽

五十

姚必友蜡里石人世業農敦孝友重然諾一介不
苟取與目見四代同堂男婦孫曾九十八丁壽
登九十有一

李克廣夏富人忠厚有古風壽登九十有二

陳已壽小魚水人愿慤樸實壽登九十有一

李可友白石崗人忠厚和睦享壽九十一歲

劉華光藥圃人樸實公平壽登九十歲

羅日陞扶溪人誠樸正直曾賑饑救荒邑侯江旌
以碩德重望壽八十有八

張貞純煙竹人親見五代同堂子孫俱濟濟庠序
壽八十有八

劉果毅孝友性生能讓能忍目覩孫曾林立振聲
膠庠壽八十七而終

李滿善夏富人忠厚純篤處事公平鄉人重之壽
八十有五

劉春青歷林人好善樂施壽八十有四

劉鍾薰厚塘人增貢生壽八十有四重逢花燭

羅崇本城北人壽八十有二次子武庠三子文庠
孫成均

黃邦元大度嶺人睦鄰賑饑四子俱列庠序親見
七十餘丁壽八十

黃應魁郡庠生子孫四世庠序夫妻俱登八十知

仁化縣志卷六

耆壽

五十一

縣黃汝茂贈雙壽文

劉克順柯樹山人慷慨好義公舉飲賓壽登八十
盧鴻角石人樸實厚重敬師重道子孫俱入文庠
壽八十

黃正中大度嶺人邑庠家貧課讀善承親志壽八
十

劉達志號行軒歷林人以增貢候選訓導敦善樂
施精岐黃求診者踵相接子五俱食餼遊庠家
無白丁壽登八十三歲

劉以堯號所臺歷林人孝友謙和好義樂施郡邑
俱舉鄉飲正賓壽九十有八妻神氏亦九十有

六孫曾蕃衍蜚聲庠序目見五代同堂

劉志信字吉慶長江人州同銜孝友好善倡建橋

梁以濟人捐置茶亭田租夫婦壽俱八十

劉啟宸歷林人慷慨好施累世簪纓壽九十

劉運謀歷林人濟急救荒夫婦同登八十

葉逢端江頭人力穡務農取與不苟壽九十六孫

曾皆有聲庠序

劉榮壽長江人好善樂施以耕讀傳家壽八十現
存

蔡如德長江人性好善孫曾五十餘口目見五代
同堂壽八十八歲

仁化縣志卷六

耆壽

五十二

林永清國學生新村人質直好義老成持重現存
年八十歲

譚元舒厚里人監生生平樂善不倦壽八十五嗣
續蕃衍孫耿光任信宜縣訓導餘孫曾多列膠
庠

黎纘文江頭人 壹百歲

羅麟熹上楓山人 劉克振蜡底人 現存

葉瀛洲江頭人 李穠豔扶溪人

蒙初興恩村人 黃 崙上寨人 現存

蒙柏石恩村人 以上俱九十九 劉儒珩歷林人

張受福小典人 梁宗國水南人

馬潤妹石母人

現存

譚賜麟城西人

八以上俱四

李楚材長江人

九以上俱八

聶上達城東人

譚輝翰馬鞍岡人

鄒宗瑞康溪人

譚闇然馬鞍岡人

庠生

連神佑青水江人

李國仁恩村人

黃世寶大度嶺人

譚桂發山背人

蒙康華恩村人

現存

鄒仁壽長江人

蒙五經恩村人

鄒明魁長江人

九以上俱九

李金順恩村人

八以上俱三

梁毓秀長江人

九十二

朱達文渡落人

李毓珍夏富人

朱榮輝白石崗人

馬維恭馬屋人

九以上俱一

鄒清遠康溪人

現存

仁化縣志卷六

耆壽

五十三

黎達夫江頭人

八十八

馬雲聚馬屋人

鄭文質煙竹人

謝應權西水人

鄒家珍康溪人

武庠

蒙冬養恩村人

黃適順煙竹人

葉觀道江頭人

監生

黎尙中江頭人

蔡運富恩村人

八以上俱一

蒙德仔恩村人

鄒細明康溪人

現存

張榮茂黃嶺嶂人

蒙斗昌恩村人

劉賢興長江人

八以上俱七

鄒福瑞康溪人

黃宣昌石母人

蒙又昌恩村人

譚達三扶溪人

鄒贊元康溪人

劉普照蜡底人

李高蘭康溪人

蒙陳壽恩村人

鄒發林康溪人

劉普清蜡底人

蒙彩珍恩村人

蒙楊相恩村人

楊福猷楊屋人

譚秋桂扶溪人

以上俱八十六

蒙盛元恩村人

謝爐保高坪人

蒙喜清恩村人

鄒德明康溪人

劉正亮恩村人

鄒學海康溪人

以上俱八十五

黃定中大度嶺人

以上俱八

譚成珠城西人

監生

俱八十

蒙佑亨恩村人

蒙乙科恩村人

蒙高賤恩村人

以上俱八十二

仁化縣志卷六

耆壽

壽婦

五十四

壽婦

九十始登舊志已載者不刪

鄧氏扶溪羅錫祥妻恪守閨儀年登百歲乾隆十

九年申請建坊旌以貞壽之門

王氏胡坑羅文開妻長江風門地人秉性慈順享

壽壹百零二歲

胡氏城南陳世應妻慈惠端莊閨範嚴肅康熙時

恩錫八品孺人翰林胡定贊曰誕釀家瑞聿擅禮宗允

全四德式備三從溯惟占鳳展也乘龍雞鳴致

警鷺振比容熊羆夢叶蘭桂香濃家聲振振杖

履雍雍福膺上壽人仰芳踪徽音遐播竚晉鸞

封又以淑德遐齡贈之壽終九十有四

黃氏扶溪譚文珂妻慈愛端莊挽鹿相夫和熊訓
子壽登九十有一

譚氏扶溪李景達之妻壺德堪嘉壽登九十有一
黎氏平岡陳夔子妻秉性柔順勤儉持家壽登九
十歲

鄧氏扶溪譚明亮之妻柔順慈惠現年八十六歲
舊志

馬氏城南歲貢朱點之妻勤儉相夫義方教子目
覩孫曾滿堂嘉慶六年

恩錫八品孺人壽登八十四歲
舊志

楊氏長江劉化章妻慈順溫惠閨範可嘉以子例

仁化縣志卷六

壽婦

五十五

贈安人壽八十
舊志

鄧氏扶溪李瑞應妻孝事老姑終始不懈教四子
俱成名壽至八十有一翰林馮成修贊以操持

孝勤
舊志

盧氏葉必應妻義方訓子勤儉持家現年九十歲
羅氏扶溪譚效端妻孝慈友愛閨範堪仰親見五
代同堂壽登八十有八

李氏譚丕基妻中年遽喪良人慈惠訓後壽終七
十
以上舊志

黎氏城北葉楚柏妻勤儉持家義方教子長子馨
香選明經親見四代同堂壽九十有二
以下採訪冊

張氏蕉灣蔡建珠妻壽登九十有二

劉氏長江梁毓富妻親丁三十八口五代同堂壽

登九十有二

陳氏長江武生鄒榮魁妻壽九十有二

路氏恩村蒙福興妻壽登九十有二

蒙氏恩村劉文會妻壽登九十三歲

馮氏水南邑庠生梁廷翊妻壽登九十有一

張氏蔡統緒妻壽登九十有一

劉氏水南梁貢國妻壽登九十歲

周氏下逕頭李永創妻四代同堂壽登九十現存

袁氏潼口譚望源妻壽登九十有九

仁化縣志卷六

壽婦

五十六

葉氏江頭黎冠卿妻秉性慈惠訓子義方壽九十

歲

葉氏江頭歲貢黎正學妻壽九十有三

李氏城口黎良珍妻無非無儀閨範恪守壽登九

十而終

李氏城東楊作楨妻閨範嚴肅推重里閭以子貴

膺二品封典壽登九十

以上採訪冊

技藝

伍瑞隆錦江人性友愛圖書四壁善畫禽魚等類
一經點綴皆有生趣弟紹隆學之常從登山臨
水以博其趣善畫牡丹葡萄之屬

嚴恍城北人清介自守娛情泉石善畫水族壽

十八

譚天龍城西人性敏好潔山居自樂精畫龍虎畫

龍時食素龍有騰雲奔走之勢畫虎時食葷虎
有振威搏噬之象八十餘歲自署八十叟

朱煥章城南人性穎悟志意高潔居隱林泉陶情
山水值春陰時寫陰雨煙景有元人筆意壽八

十一 以上俱採訪冊

仁化縣志卷六

技藝

仙釋

五十七

仙釋

仰山慧寂禪師仁化葉氏子九歲投通禪師出家
十四歲父母取歸欲爲置室師不從斷手二指
跪致雙親前誓求正法參耽源已悟玄旨見滙
山遂受祖記出世坐洪州觀音袁州仰山廣州
東平乳源東華諸刹語播諸方稱爲滙仰宗師
嘗晏坐有梵僧乘空而至師問近離甚處曰西
天師曰幾時離彼曰今早師曰何大遲僧曰遊
山玩水師曰神通遊戲則不無闍黎佛法須還
老僧始得曰特來東土禮文殊却遇小釋迦遂
出梵書貝多葉與師作禮乘空而去自此號小

釋迦示寂陞座辭衆說偈曰年滿七十七無常
在今日日輪正當午兩手攀屈膝言訖以兩手
抱膝而終嘗與滙山論遇風卽止之讖後濟宗
首山念禪師嗣法風穴卽師後身也

惠懿禪師河北陳氏子咸通初乘虎而至所駐錫
地今大雲寺也咸通十三年坐化立塔歲旱禱
之立應鄉人號爲聖師塔

行獵號西水俗姓劉年十六錄科冠軍好讀貞復
白沙集崇禎己卯司李馮秉清分房賞其卷爭
元竟落之一日讀楞嚴經有會決志出家依朝
宗和尚順治乙未欲度嶺往寶法以兵阻未果

仁化縣志卷六

仙釋

五十八

駐錫青蓮菴忽坐化留偈云處處皆爲般若場
山山自有白雲莊丈夫各解翻身出豈肯甘心
負臭囊